

Na osnovu člana 13. stav 1. alineja 10. Zakona o zdravstvenoj zaštiti („Službene novine FBiH“, broj : 46/10 i 75/13) , člana 10. stav 1. tačka 5. Zakona o zaštiti stanovništva od zaraznih bolesti Federacije BiH ("Službene novine FBiH", broj: 29/05) i Naredbe o provođenju obavezne preventivne sistematske deratizacije na području Zeničko-dobojskog kantona – proljetna faza 2025. godine br. 11-33-1676-2/25 , člana 11. stav 1. alineja 23 , člana 34. stav 1. tačka 6. i člana 117. Statuta Grada Zenica („Službene novine Grada Zenica“, broj: 5/15), Gradonačelnik donosi:

NAREDBU

o provođenju obavezne preventivne sistematske deratizacije, dezinfekcije i dezinsekcije na području Grada Zenica -proljetna faza 2025. godine

I

Obavezna preventivna sistematska deratizacija, dezinfekcija i dezinsekcija na području Grada Zenica – proljetna faza 2025. godine, provest će se u periodu od 14.04.2025.godine do 31.05.2025. godine.

II

Obaveznu preventivnu sistematsku deratizaciju, dezinfekciju i dezinsekciju će organizovati i sprovesti, prema ovjerenom rasporedu, ugovorni organ Grada Zenica izabran za obavljanje navedenih poslova prema Zakonu o javnim nabavkama.

III

Kontrolu izvođenja akcije na području Grada Zenica, kontrolu rodenticida, količinu i vrstu rodenticida , kao i način provođenja u skladu sa Pravilnikom o načinu obavljanja obavezne dezinfekcije, dezinsekcije, i deratizacije („Službene novine FBiH“, broj: 30/16) će provoditi gradski sanitarni inspektori i ugovorni nadzorni organ.

IV

Obaveznom preventivnom sistematskom deratizacijom će biti obuhvaćeni sljedeći objekti i površine:

1. Javne i zelene površine u pojasu naselja sa koncentrisanim stanovništvom (gradska naselja i uskopojsna prigradska naselja),
2. obale površinskih vodotokova u gradskim i prigradskim zonama,
3. centralne zvanične deponije za odlaganje otpada,
4. nezvanična (neorganizovana) odlagališta otpada – smetljišta,
5. vaspitno – obrazovne ustanove i objekti (škole, obdaništa, fakulteti) i kulturni objekti sa pripadajućim vanjskim površinama,
6. kolektivni centri za smještaj i boravak izbjeglih i prognanih lica,
7. objekti kantonalnih javnih zdravstvenih ustanova sa pripadajućim vanjskim površinama(obuhvatajući: podrumne, tavane, magacinski prostor, dvorišta, smetljarnike, garaže, mjesto odlaganja otpada, prostori za skladištenje i pripremu hrane, te pripadajuće površine kao što su dvorišta i parkovi),

8. objekti gradskih/općinskih javnih zdravstvenih ustanova sa pripadajućim vanjskim površinama (obuhvatajući: podrume, tavane, magacinski prostor, dvorišta, smetljarnike, garaže, mjesta odlaganja otpada, prostori za skladištenje i pripremu hrane, te pripadajuće površine kao što su dvorišta i parkovi),
9. kantonalne institucije i njihove ispostave sa pripadajućim vanjskim površinama (obuhvatajući: podrume, tavane, magacinski prostor, dvorišta, smetljarnike, garaže, mjesta odlaganja otpada, prostori za skladištenje i pripremu hrane, te pripadajuće površine kao što su dvorišta i parkovi),
10. gradske/općinske institucije i njihove ispostave sa pripadajućim vanjskim površinama (obuhvatajući: podrume, tavane, magacinski prostor, dvorišta, smetljarnike, garaže, mjesta odlaganja otpada, prostori za skladištenje i pripremu hrane, te pripadajuće površine kao što su dvorišta i parkovi),
11. individualni stambeni objekti u privatnom vlasništvu u užim zonama gradskih naselja obuhvatajući: (podrume, tavane, magacinski prostor, dvorišta, smetljarnike, garaže, mjesta odlaganja otpada, prostori za skladištenje i pripremu hrane, te pripadajuće površine kao što su dvorišta i parkovi),
12. vjerski objekti i groblja u gradskim naseljima kojima upravljaju vjerske zajednice,
13. objekti za javno vodosnabdijevanje i kanalizaciona mreža sa šahtovima i izlivnim kolektorima,
14. objekti i površine svih fizičkih i pravnih lica koja obavljaju poslovnu djelatnost (obuhvatajući: podrume, tavane, magacinski prostor, dvorišta, smetljarnike, garaže, mjesta odlaganja otpada, prostori za skladištenje i pripremu hrane, te pripadajuće površine kao što su dvorišta i parkovi),
15. objekti i sredstva javnog saobraćaja,
16. objekti za proizvodnju i promet živežnih namirnica i predmeta opće upotrebe sa pripadajućim vanjskim površinama (podrume, tavane, magacinski prostor, dvorišta, smetljarnike, garaže, otvorena i zatvorena odlagališta otpada, prostori za skladištenje i pripremu hrane, te pripadajuće površine kao što su dvorišta i parkovi),
17. objekti za pružanje usluga javne higijene,
18. zajednički prostori stambenih zgrada (podrumi, tavani, magacinski prostori, drvarnici, smetljarnice, dvorišta, garaže).
19. šahtovi i energetski kanali toplovodnih, plinskih, električnih, telefonskih i drugih instalacija.

V

Troškove obavezne preventivne sistematske deratizacije iz tačke IV pod rednim brojem 1., 4., 8., 10. i 11. snosi Grad Zenica iz budžeta, a troškove pod rednim brojevima 2., 5., 6., 7., 9. i 12. snosi Kanton, dok pravna i fizička lica, vlasnici ili korisnici prostora i površina koje podliježu obaveznoj preventivnoj sistematskoj deratizaciji snose troškove pod rednim brojevima 3., 13., 14., 15., 16., 17., 18. i 19. i istu su obavezni organizovati i provesti isključivo u utvrđenom periodu.

VI

Obavezi provođenja preventivne sistematske deratizacije podliježu svi subjekti naznačeni u ovoj Naredbi. Navedeni subjekti su dužni obezbijediti nesmetan rad izvođačima. Subjekti koji ne budu poštovali obaveze iz Naredbe će biti sankcionisani prema važećim propisima.

VII

Deratizacija se ima obaviti sa antikoagulantnim rodenticidima druge i treće grupe otrova visokog učinka u skladu sa Programom provođenja obavezne preventivne sistematske deratizacije na području ZDK u 2025. godini-proljetna i jesenja faza i Pravilnikom o načinu obavljanja obavezne dezinfekcije, dezinskecije, deratizacije („Službene novine FBiH“, broj: 30/16) i u skladu sa Pravilnikom o uslovima u pogledu stručne spreme zaposlenika, tehničke opremljenosti prostorija i drugih uslova kojima moraju udovoljavati zdravstvene ustanove, privredna društva odnosno fizičke osobe – obrtnici za obavljanje dezinfekcije, dezinskecije i deratizacije („Službene novine FBiH“, broj: 30/16)

VIII

Obavezna preventivna sistematska deratizacija se ima provesti u skladu sa Programom provođenja obavezne preventivne sistematske deratizacije na području Zeničko-dobojskog kantona za 2025. godinu .

IX

Naredba stupa na snagu danom donošenja, a objavit će se na web stranici Gradske uprave Zenica (www.zenica.ba) te u sredstvima javnog informisanja na području na kojem se deratizacija obavlja .

Broj: 02-33-8634/25

Zenica, 15.04.2025. godine

DOSTAVLJENO:

- 1 x Ugovorni organ Grada;
- 1 x Ugovorni nadzorni organ Grada;
- 1 x Služba za inspekcijske poslove;
- 2 x Služba za socijalnu zaštitu,
stambene poslove i društvene djelatnosti;
- 1 x Sredstva javnog informisanja.



GRADONAČELNIK

16-04-2025

2143